

河南開封縣志

舊名祥符縣

祠廟下卷之十二

三賢祠在城東南吹臺上上祀唐李白杜甫高適創
建失考明李河水圮

明嘉靖時增祀李夢陽何景明日五賢祠邑人李濂
有碑李溱書後圮

國朝乾隆十九年移建大梁書院又增高叔嗣曰六賢
祠嗣又移吹台道光間開歸道麟慶重修

明毛伯溫建三賢祠碑記云三賢祠者祀高李杜
三賢於吹台之上也按唐史高適李白杜甫天寶
中聚梁宋間共飲吹臺之上酒酣擊歌俛仰今古

旁若無人而杜詩亦云憶與高李輩論交入酒壚
兩公壯藻思得我色敷腴氣酣登吹臺懷古視平
蕪是時白甫皆以讒嫉去國年各四十餘而適則
封邱尉耳三人者固蓋世之豪也顧坎坎坷徊行
歌古墟榛莽中使其登臺悲嘯望芒碭數鴈驚鳴
呼傷哉白梁園歌適古大梁行豈亦其時詩歟詩
李杜尙矣適詩慷慨悲歌爲盛唐諸人冠而杜亦
時時推適曰美名吾不及佳句法如何蓋飄然不
羣之外推者適一人耳適五十始詩故敘年李杜
上其詩頡頏二子豈並賢之而並祠之吹臺設有

禹宮宮之後有空室而棲非其鬼業令撤其鬼而
祠三賢矣今年秋偕蜀張子關西袁子李子謁焉
登臺四望曠原孤城日涼雲斷風飄飄起黃蘆末
搖軒振櫺子與三子者灑然驚回思三賢又愴然
悲曰適顯矣白甫乃如 已邪傷哉傷哉

包孝肅公祠舊在府治北祀宋開封府尹包拯創建
失考明成化九年徙建府治東南嘉靖七年修明

季河水圮

舊志

國朝順治七年知府丁時陞重建府治前康熙二十五
年知府管竭忠修道光九年知府存業重修

明胡謐記云開封府故有包孝肅公祠蓋祠其知
開封府時功也前後公知是府者多人奚獨祀
公蓋公其尤也公所歷諸官皆有績奚獨祀公知
府公蓋開封京府其功可以該諸績也惟公之在
開封也剛毅不阿貴戚宦臣爲之斂手猶若居御
史諫議之論斥而且開門聽訟吏不敢欺卽廣其
知天長時斷割牛舌訟之明也劾毀勢家侵惠民
河園榭卽推其轍運河北時請以牧馬地賦民之
惠也自奉儉約無異布衣誠子孫不敢犯贓罪卽
充其知端州時歸不持一硯之操也與夫知瀛州

而請罷回易在三司而置場和易以免民供上之物則皆繇京府以達諸外郡者也然則公馭歷中外之績舉於是乎該矣故京師爲之語曰關節不到有閭羅包老人以其笑比黃河清童稚婦女亦知其名呼曰包待制云比卒太常乃併其親老不赴調親歿廬墓之行諡曰孝肅蓋實法所宜祀者此開封所由以祀公也而當時知是府者前公如陳文惠康肅兄弟繼尹薛簡肅威嚴如之後公如歐陽文忠呂正獻濟以寬簡然皆爲他善所掩其知是府功則莫與公並者此開封府所以獨祀公

也祠在府治廳事北創始未詳歲月歷金元以迄
我朝府列外郡祀事歲修不廢祠則屢葺乃成化
癸巳前知府孫侯瑜以址隘宇將壓相得府治東南
隅隙地遂徙建焉工未就緒而孫侯卒今知府張
侯岫至亟繕完之中爲屋三間左右翼兩廂各三
間前豎門樓周繚以墉肖公像其中黝堊髹漆煥
然一新張侯手書其匾曰包孝肅公之祠爰率僚
佐落之而告慰公神如禮每春秋用牲醴致祭著
爲儀且哀公遺事奏議或銀以廣傳焉其尤知慕
公者哉僉謂斯舉不可無記以告將來張侯屢以

爲請因述開封府所以祀公之意俾人知公之功

不獨在開封也

舊志

存業碑記云傳稱有功德於民則祀之所以崇民望勵官常也宋開封府尹包老肅公治郡政績彪炳本傳班班可考其馨香俎豆

國家固已頒諸祀典矣而秩祀之外另有專祠在府署東南隅歲時伏臘都人士胥集報賽蓋公之遺愛在民固若是其深且遠也道光己丑春余由東郡移守大梁下車瞻謁祠宇見其傾圯過甚心慘然者久之夫化行南國撫甘棠者尙深珍護之思績

著襄陽覽遺碑者猶切流連之慕而况官斯土理
斯民德澤所及洽於民心本其愛敬之忱創爲崇
祀之地乃竟任其風雨漂搖不加繕治非獨是邦
人士之憾抑亦守土者之差也第工鉅費繁歲事
匪易爰捐廉以倡並集同人醵金諏吉興工凡向
日之頽垣敗壁悉葺而更新之爲堂三楹佐以配
殿繚以崇垣下至爲門爲階爲戶牖以及丹雘黝
堊靡不畢具規模閎敞氣象一新中祀包公東西
殿字奉蕭文終侯曹懿侯暨甯公仍其舊也落成
之日偕僚友咸詣瞻拜是邦之人咸觀厥成於以

慰民隱而彰直道並策後起者之克紹前徽也於
余心深有愜焉因敘次顛末而爲之記是役也經
始於道光庚寅春落成於是年秋計用平泉萬有
奇其鳩工庀材始終克成其事者則北平王君起
民之力焉故並書之

續

名賢祠在縣治西宣化橋祀宋開封尹范仲淹錢若
水寇準陳恕呂夷簡呂餘慶王巖叟張方平杜衍
馮京歐陽修明王博萬信韓英孫珍創建失考明

季河水圮

舊志

十賢祠在城東南繁塔寺後祀宋元儒周惇頤程顥

程頤邵雍司馬光張載朱子熹呂祖謙張栻許衡

創建失考

舊志

李公祠在縣治北祀宋相李綱創建失考明季河水

圯

舊志

宗公祠在武成王祠右祀宋東京留守宗澤巡撫章

失建萬厯時重修崇禎末圯於河水

增

明衷貞吉宗公祠記云萬厯庚辰豫章袁子再視

河南學政乃登有宋氏故墟北眺李固渡環視宋

忠簡二十四壁及連珠砦故處鞠爲草莽不可復

識於是俛而思仰而嘆涕潛潛下蓋傷其有臣而

弗克究厥施云及詢忠簡祠祠在武成祠右創自
前巡撫陽華章公而祠事不舉衷子乃按宋史陳
宗忠簡往蹟自撫臺周公暨諸公巡臺許公檄郡
邑守令歲祀如典或問衷子曰祠何祀衷子曰祀
忠亦祀功也曰忠簡忠矣若夫中原板蕩二帝蒙
塵宋之削也曰甚忠簡忠謀謹議卒莫能用蓋弗
克究厥施也功則云何衷子曰唯唯否否夫人臣
之義惟利社稷永國祚爲上保土次之舍是何功
焉當女真之入也康王嘗再使其軍忠簡迎而謂
曰肅王一去竟不返矣今敵又詭辭以誘大王願

王勿行及都城陷趙氏舉族皆北康王固無恙乃
正位握符使宗廟血食者幾二百載是誰之力也
使當時無忠簡則無康王無康王則無南宋所謂
利社稷永國祚者非邪或謂女真濟李固渡忠簡
不躡其後乘輿北遷忠簡不死其難斯言固矣然
當其時內無重兵外無強援苟捐軀赴之雖得死
所如天下事何忠簡乃草二十四疏乞回鑾復舊
都安內攘外以雪不共戴天之耻竟不果行憂憤
而卒垂絕之餘猶連呼過河者三悲夫悲夫使百
世之下聞其事思其人喟然永歎涕潛潛下

其事哉若忠簡吾獨傷其弗克究厥施也忠簡嘗
爲京城留守兼開封尹有保土之功土人至今思
之不忘陽華公乃因土人之思而建祠祠禮成余
復爲辭書於麗牲之石俾祀者歌之以侑享云其
辭曰采蘋兮河皋涓壺兮清流華予裳兮沐蘭湯
冀美人兮予遊髣髴兮乘雲霓欲下兮夷猶夷猶
兮奈何蹇予思兮涕滂沱靈連蜷兮若有顧慨長
望兮浩歌坎坎兮擊鼓吹參差兮堂下陳清醕兮
肴芳紉琴瑟兮代舞君歸來兮佩陸離撫長劒兮
把瓊枝右我俎兮皇皇恍若見兮委蛇聊弭節兮

偃蹇君欣欣兮孔娛暮雲兮靈霽回風兮泠泠天
門闢兮君旋駕赤虬兮雙旌山有崖兮河有洲心
思君兮君不留祀不忒兮我享惠我民兮故邱

岳王廟在城南朱仙鎮河西祀宋鄂忠武王岳飛明

成化十四年布政使吳節知府張岫建正德四年

修萬曆三十三年重修

舊志

按崇禎時祥符知縣王某重修

國朝順治十七年重修乾隆三年巡撫尹會一書改忠

武謚事刻於碑

明何孟春修岳祠碑記云宋岳鄂王忠武王廟始

建於鄂再建於杭三建於湯陰而今建於梁城南
之朱仙鎮在鄂者王開國地王寃白時已建在杭
者王墓在焉在湯陰者王父母之邦其廟皆著祀
典而朱仙鎮者王之攻於是爲極王之忠憤所不
能忘者也王當靖康建炎之難應宣撫募屢擒劇
賊轉武階隸留守司所向戰必克以言事削官歸
詣招討使時年尙少柄任未及而奇其戰功者以
爲古良將不能過聽其言者知其非行伍人也新
鄉之戰侯兆川太行山皆有功而事見忌於都統
胙城之戰黑虎潭汜水關竹蘆渡南薰門及清河

鐵路步六合烏江皆有功而謀復行於留守然王
自一軍獨制元术不能犯杭長入而宋得復建康
則皆廣德之戰宜興鎮江東清亭牛頭山新城靜
安之功也嗚呼王用統制借補州刺階大夫四年
間崛起行伍厥功已如此紹興以來王始承制命
秉節鉞游陞使帥專征諸路控扼數州叛將歸降
逆賊奔潰江西嶺表水陸繼平使內不得合外無
與應固皆王之功也王志在中原復讐報國奏移
屯鎮每圖大舉而姦相擅權力主和議時臨機至
輒加沮抑高宗聞王言始大感悟授王河南北諸